

REVIDERTE VEDTEKTER FOR STORD UNGDOMSRÅD – AUGUST 2022

§1. FORMÅL OG MYNDE

1.1 – Ungdomsrådet i Stord Kommune skal ivareta ungdom sine interesser, stimulera ungdom i grunnskule og vidaregåande skule til deltaking i politisk og frivillig arbeid, og til å utøve påverknad på politiske saker.

1.2 – Ungdomsrådet skal oppnå dette m.a. gjennom:

- Å fremja eigne saker og å kunne ta opp til drøfting barn og unge sine interesser i kommunen. Ungdomsrådet står fritt til å ta opp dei saker rådet ynskjer.
- Å halde seg orientert om saker som gjeld barn og unge i kommunen.
- Å engasjere seg i saker som vedkjem barn og unge.
- Å vera pådrivar for det offentlege og frivillige barne- og ungdomsarbeidet i kommunen.

§2. FUNKSJONSTID OG SAMANSETJING

2.1 – Medlemmane sit i ungdomsrådet to år om gangen. Rådet skal konstituera seg i første møte etter at kommunestyret har valt medlemmar til ungdomsrådet, jamfør kommunelova § 5 – 12:

Eldreråd, råd for personar med funksjonsnedsettelse og ungdomsråd eller annet medvirkningsorgan for ungdom

Kommunestyret og fylkestinget skal sjølv velje eit eldreråd, eit råd for personar med funksjonsnedsettelse og eit ungdomsråd eller annet medvirkningsorgan for ungdom.

2.2 – Tal på representantar og vararepresentantar

Det skal vera geografisk spreiding i ungdomsrådet og alle skulane skal vera representert.

Samansetjing:

Nysæter ungdomsskule:	2 representantar og 1 vararepresentant
Stord ungdomsskule:	2 representantar og 1 vararepresentant
Nordbygdo ungdomsskule:	2 representantar og 1 vararepresentant
<u>Stord vidaregåande skule:</u>	<u>4 representantar og 2 vararepresentantar</u>
Total:	10 representantar og 5 vararepresentantar

§3. KOORDINATOR

3.1 – Ein tilsett i Stord kommune skal tilleggast oppgåva som koordinator for ungdomsrådet. Dette er ein føresetnad for drift av ungdomsrådet. Koordinator skal administrera arbeid med ungdomsrådet, og har tale- og møterett på alle møta i ungdomsrådet.

3.2 – Koordinator sine oppgåver er:

- Å hjelpa ungdomsrådet med å etablere nødvendig kontakt med kommunale organ og kontaktpersonar.
- Å hjelpe til ved val/rekruttering.
- Å vera sekretær for ungdomsrådet.
- Å tilretteleggja for opplæring i høve til §6.
- Å vera kjend med rettleiaren for ungdomsråd på Bufdir sine nettsider:
[Ungdomsråd - ein rettleiar | Bufdir](#)

§4. MØTA I UNGDOMSRÅDET

4.1 – Ungdomsrådet fastset møteplan kvar haust og vår. Rådet kan gjera endringar i møteplanen etter behov. Det skal haldast minst (3) møter i året. Innkalling til møta skjer frå ungdomsrådet sin koordinator i samarbeid med leiar og møtesekretær minst ei veke før møtet. Ungdomsrådet sin møteplan skal leggjast ut i kommunal møteplan, og innkallingar og referat skal leggjast inn i kommunen sitt sak-/arkivsystem.

4.2 – Ungdomsrådet kan invitere politikarar, administrasjon og andre til rådsmøta for å få orientering, spørsmål eller anna.

4.3 – Minst 50% av representantane må vera til stades for at ungdomsrådet skal vera vedtaksføre.

4.4 – Dagsorden for møta i ungdomsrådet skal vera i tråd med rutiner for utvalsmøta.

4.5 – Leiar har dobbelstemme. Økonomi og sekretærfunksjon vert lagt til koordinator, jamfør § 3. Rådet har møtesekretær som skriv innkallingar og referat basert på koordinator sine notat frå møtet.

4.6 – To representantar for ungdomsrådet har møte-, forslag-, og talerett i komiteane, formannskap og kommunestyret i einskildsaker, etter å ha meldt inn saker på førehand til ordførar/komiteleiar.

4.7 – Etter fråvær på to (2) møter på rad utan innmeldt forfall, kallast leiar, koordinator og vedkomande inn til eit møte om fråværet. Målet med møtet er å sørgja for at vedkommande føler seg ivaretatt i rådet og til å svara på eventuelle spørsmål. Etter fråfall på fire (4) møter med innmeldt forfall vert vedkommande òg kalla inn til eit møte. Vel vedkommande å trekkja seg frå rådet og får fritak, vert det valt ein ny representant. Dette kan vera vara.

4.8 – Alle vararepresentantane har rett til å møte i ungdomsrådet. Varamedlemmar har tale og forslagarett, men dei har ikkje stemmerett før dei representerer ein av dei faste medlemmane i ungdomsrådet.

4.9 – Referat frå møta i ungdomsrådet vert sendt til medlemmar og varamedlemmar, samt lagt ut på kommunen sine nettsider.

§5. VAL/REKRUTTERING OG OPPLÆRING

5.1 – Ledige verv i ungdomsrådet vert lyst ut på ungdomsskulane og på vidaregåande skular. Det er kommunestyret som vel medlemmar til ungdomsrådet, og det vert lagt til rette for ein rekrutteringsprosess før politisk sak er på dagsorden i kommunestyret.

5.2 – Ved utpeiking av medlemmar til ungdomsrådet skal det leggjast vekt på at begge kjønn vert mest mogleg jamt representert.

5.3 – Ein representant eller vararepresentant kan søkje permisjon eller fritak frå rådet. Kommunestyret tek stilling til søknaden med alminneleg fleirtal.

5.4 – Medlemmane i ungdomsrådet skal få opplæring i demokrati/vedtaksprosessar og innføring i ungdomsrådet sin funksjon og oppgåver tideleg i perioden. Dette skal den avtroppande styringsgruppa og koordinator ta ansvar for.

5.5 – Ungdomsrådet konstituerer seg sjølv og vel leiar, nestleiar og føretek skulevis rangering blant vararepresentantane.

§6. ØKONOMI OG RAPPORTERING

6.1 – Ungdomsrådet disponerer sjølv dei midlane som vert avsett til rådet si verksemd.

6.2 – Ungdomsrådet skriv årsmelding som vert sendt til kommunestyret kvart år.

Meldinga skal m.a. innehalde opplysningar om eiga møteverksemd og viktige saker som er tatt opp.

§7. ENDRING AV VEDTEKTER

Vedtektene skal takast opp til vurdering av ungdomsrådet èin gong i året. Endringane skal vera i tråd med kommunelova og rettleiar for ungdomsråd og godkjennast av kommunestyret.